



Isalathiso: 20211102-7268  
Inombolo yefayili: 13/1/1  
Imibuzo: M Ludick

INGcaciso eMfutshane yeCandelo loLawulo lweeMviwo: 0019/2021

Iya: KumaSekela Balawuli-Jikelele, kuBalawuli abaziiNtloko, kuBalawuli (kwaNdlunkulu nakwii-ofisi zezithili), kumaSekela-Balawuli, kwiiNgcali zeMfundo eziziiNtloko, kwiiNtloko zoKunika iNkxaso kwiKharithulam; kwiiNtloko zoLawulo noKuphathwa kwaMaziko, kuBaphathi beeSekethe, kumaSekela eeNgcali zeMfundo eziziiNtloko, kwiiNtloko zoQuquzelelo neNgcabiso ngezeSLES, kuBaququzeleli boVavanyo neeMviwo, kuBacebisi beZifundo nakwiiNtloko zamaziko alungiselela abaviwa kwiimviwo zeSatifikethi seMatriki sikaZwelonke nezeSatifikethi seMatriki

**Isihloko: Ukukhutshwa kweziphumo zeemviwo zeSatifikethi seMatriki sikaZwelonke (NSC) zango-2021**

1. Ukwenzela ukuba iinqununu zenze amalungiselelo ayimfuneko okuthatha nokutshekisha ezi ziphumo zikhankanywe ngentla apha, kukhutshwa **le ngcaciso nemihla** elandelayo:
  - 1.1 Iinqununu (okanye ootitshala ekudluliselwe kubo amagunya) banokuzithatha iziphumo ze-NSC kwii-ofisi zezithili ngoLwesihlanu we-**21 Januwari 2022 ngo-08:00**
  - 1.2 Iinqununu (okanye ootitshala ekudluliselwe kubo amagunya) banikwa iiyure ezimbini ezinesiqingatha zokutshekisha iziphumo bakhangele naziphi na iimposiso okanye iimpazamo ezibonakala ngokulula. Ezi mpazamo mazixelwe kwiCandelo loLawulo lweeMviwo kwezi nombolo zefoni 021 467 2934/ 2483/ 2961/ 2246.
  - 1.3 Iziphumo zinokunikwa abaviwa kwizikolo nakumaziko abo achaphazelekayo ukususela ngo-**11:00 ngoLwesihlanu we-21 Januwari 2022**. Iziphumo zabaviwa abasisigxina ziya kufumaneka kuphela ezikolweni naku-Intanethi, kwaye AZIYI kufumaneka kwiZiko laBenzelwa iNkonzo leCandelo leeMviwo leSebe leMfundo leNtshona Koloni (WCED).
  - 1.4 **Makuqatshelwe: Akukho ziphumo mazasiswe abaviwa yaye kungekho ngcaciso malunga noku mayinikwe abamajelo eendaba namaphepha-ndaba ngaphambi ko-11.00 nge-21 Januwari 2022.**

- 1.5 NgoLwesihlanu we-21 Januwari 2022 ngo-11:00 ziya kufumaneka iziphumo kwiziko lewebhu leSebe iWCED apha: <https://wcedonline.westerncape.gov.za> Abaviwa kuya kufuneka bafake **iifani zabo nembolo yesazisi/nomhla wokuzalwa** ukwenzela ukuba babone iziphumo zomviwa ngamnye kwiziko lewebhu leSebe iWCED.
- 1.6 **Mabacetyiswe abaviwa ukuba batshekishe amagama abo apheleleyo neenombolo zezazisi ukuba ziboniswe ngokuchanekileyo na kwiNgxelo yeZiphumo zabo (Statement of Results).**
- 1.7 Imibuzo emalunga neziphumo imele ukungeniselwa ukuba kwenziwe uphando ngayo zingadlulanga iintsuku eziyi-30 emva kokukhutshwa kweziphumo. Mayingeniswe yonke imibuzo apha: [ExamResults@westerncape.gov.za](mailto:ExamResults@westerncape.gov.za)
- 1.8 NgoMgqibelo we-22 Januwari 2022 ngo-06:00, iziphumo ziya kupapashwa kumajelo eendaba.
- 1.9 NgoLwesine we-03 Februwari 2022 ngo-10:00, itheko lamabhaso e-NSC liya kuqhubeka e-Leeuwenhof.
2. **Ukumakishwa kwakhona nokutshekishwa kwakhona kweencwadi zeempendulo ze-NSC zango-2021**
- 2.1 Izicelo zokumakishwa kwakhona nokutshekishwa kwakhona kweencwadi zeempendulo mazingeniswe kusetyenziswa amaqonga onxibelelwano ngekhompyutha (*online platform*) apha: [www.eservices.gov.za](http://www.eservices.gov.za).
- 2.2 Umhla wokuvala kwizicelo zokumakishwa kwakhona ngowe-**04 Februwari 2022**.
- 2.3 Kusebenza ezi ntlawulo zilandelayo ngesifundo ngasinye:  
 Ukumakishwa kwakhona: R104  
 Ukutshekishwa kwakhona: R25  
 Ukubonwa kweencwadi zeempendulo R200  
 Ezi ntlawulo ziya kurhoxiswa kubaviwa abakwizikolo ezingahlawulisi zifizi. Abaviwa abakuxolelweyo ukuhlawula iifizi baya kuxolelwa kwintlawulo yokumakishwa kwakhona.
3. **Izicelo zeemviwo ze-NSC zangoMeyi/Juni 2022**
- 3.1 Bonke abaviwa ababebhalisele iimviwo ze-NSC zangoNovemba 2021 nababengekho kwinxenye yoviwo, abanesizathu esamkelekileyo okanye abangazange baphumelele ukufumana iziphumo zokufunda ababenethemba lokuzifumana, banokwenza isicelo sokubhala uviwo lwe-NSC ngo-Meyi/Juni 2022.

- 3.2 Iifom zezicelo ziya kufumaneka ezikolweni ezifundisa i-NSC, kwii-ofisi zezithili, kwi-WCED Examination Client Services Centre, eNorth Wharf Square, 2 Lower Loop Street, Foreshore, e-Cape Town nakwiziko lewebhu leSebe iWCED.
- 3.3 Umhla wokuvala kwizicelo zeemviwo ze-NSC zangoMeyi/Juni 2022 ngowe-**31 Januwari 2022**.
- 3.4 Nayiphi na imibuzo emalunga neemviwo zokuxabangela ze-NSC inokuthunyelwa apha: [ExamRegistrations@westerncape.gov.za](mailto:ExamRegistrations@westerncape.gov.za)
4. ISebe iWCED malaziswe ngamalungiselelo enziwe zizikolo nangamaziko okubhalela iimviwo okuthathwa kweziphumo zawo. Ziyacelwa iinqununu nabaphathi bamaziko okubhalela iimviwo ukuba bazalise le fom iqhotyoshelweyo (isiHlomelo A) ize ithunyelwe **kumlawuli wesithili** ochaphazelekayo ungasadlulanga owe-03 Disemba 2021.
5. **I-COVID-19 nokuthathwa kweziphumo ngabafundi**
- 5.1 Niyacelwa niqinisekise ukuba isikolo/iziko lakho lizilandela mbo zonke iiprothokholi zezempilo nezokhuseleko eziqulethwe kwiSikhokelo seCOVID-19 seSebe iWCED, ingakumbi ukunxitywa kwemaski yobuso nokugcinwa komgaqo wokuqelelana phakathi kwabo.
- 5.2 Ngexesha lokulandwa kweziphumo, ukungena kumasango esikolo/eziko makuvumeleke kuphela kubafundi abazigqibileyo iimviwo ze-NSC zonyaka wokufunda ka-2021.
6. **Ukunikwa inkxaso neengcebiso kwabaviwa abangapasanga**
- 6.1 Kubaluleke gqitha ukuba abaviwa abangalupasanga uviwo banikwe inkxaso nentuthuzelo ngokwasemoyeni neengcebiso. Mabaxelelwe aba baviwa ukuba kukho inkonzo yentuthuzelo neengcebiso efumanekayo. Banokunikwa iingcebiso esikolweni abaviwa xa befumana iziphumo zabo, okanye ukuba kunokwenzeka, kwii-ofisi zezithili zemfundo ezichaphazelekayo apho abasebenzi besebe baya kufumaneka khona.
- 6.2 Ukuba inqununu, umphathi weziko okanye utitshala ekudluliselwe kuye amagunya uthumela umviwa kwi-ofisi yesithili, makanikwe umviwa lowo inombolo yefoni nedilesi ye-ofisi yesithili yaye makunikwe ne-ofisi yesithili iinkcukacha zomviwa ngokunjalo.
- 6.3 Kusoloko kusenzeka qho ukuba abaviwa abafuna ukunikwa intuthuzelo neengcebiso, bangazifuneli bona ngokwabo. Ngoko ke kubongozwa izikolo namaziko ukuba zibe nemfobe novelwano ngeemvakalelo zabaviwa abaye abaphumelela ngokweminqweno yabo.

**7. Ukukhutshwa kwengcaciso engabafundi kumajelo eendaba**

Amajelo eendaba aya kuba nomdla wokufumana ingcaciso engabafundi abathe baqhuba kakuhle kakhulu kwiimviwo ze-NSC. Iinqununu nabaphathi bamaziko okanye utitshala ekudluliselwe kuye amagunya unokuyinika ingcaciso efana nale neefoto kumajelo eendaba ngokuthethana nabazali.

**ISAYINWE:** NGU-H MAHOMED

**USEKELA MLAWULI-JIKELELE WEKHARITYHULAM NOLAWULO LOVAVANYO**

**UMHLA:** 2021-11-04